





SEKWITERA LONG VANUATU

Sekwitera hemi wan posen long kakae we man i save kasem taem hemi kakae olgeta fish blong rif.



Sekwitera i kam long olgeta nalumlum we yumi save luk nomo andanit long wan maekroskop mo yumi save faenem i gro long olgeta rif we saeklon o man i damejem.



1 Olgeta nalumlum oli karem sekwitera

2 Olgeta fish we oli kakae olgeta smolsmol plant lo solwota oli kakae olgeta nalumlum mo oli kam posen

3 Taem olgeta bigfala fish oli kakae olgeta smol fish ia, olgeta i kakae mo tekem olgeta posen we i stap long olgeta fish ia

4 Afta yumi olgeta man i kakae olgeta fish ia

Olsem wanem nao posen i go kasem plet kakae blong yu?



Kolosap evri kaen fish blong rif i gat sekwitera long hem, be sam long olgeta fish ia oli gat posen ia long olgeta bitim olgeta narafala wan



Olgeta saen

Olgeta mein saen hemi:

- Hed i raon, traot, sisit wota, bel i so.
- Lips, nus, han leg mo skin oli nam o olsem nidil i stikstikim skin blong man.
- Yu filim kolkol taem yu tajem kolkol wota.
- Ol masel mo joen oli so.



Tritmen

- I nogat eni tritmen blong sekwitera, be nomata long hemia plante long olgeta komuniti long aelan oli stap yusum olgeta lokol meresin blong tritim. Dokta blong yu i save givim olgeta meresin we bae yu tekem nomo taem yu filim nogud o bodi i so.
- Long fesfala manis o i dipen sipos olgeta saen i stap kontinu yet, yu mas jenisim kakae blong yu mo tekem olgeta kakae olsem red mit, alkohol mo nats mo no kakae olgeta kakae we i kam long solwota, hemia blong mekem se sik i no kam bigwan o mekem sik i kambak bakegen.

Olsem wanem blong tekem aksen?

Hemia hemi olsem wanem yu save katem daon risk blong kasem posen blong sekwitera:



- No kakae olgeta fish we oli kam long eria we yu save se i gat sekwitera fish posen long hem



- Spesem aot taem we yu kakae olgeta difren kaen fish we yu save se i gat risk long olgeta



- Stret afta we yu katjem wan fish, katemaot hed blong hem mo gat blong hem. Olgeta ia nao oli gat moa posen long hem.



SAM LONG OLGETA FISH LONG VANUATU WE OLI GAT SEKWITERA LONG OLGETA

Kolosap evri koen fish we i stop long rif
oli save gat sekwitera, be sam koen fish oli moa
posen bitim olgeta narafala wan.

Fish

Hemia hemi olgeta fish long Vanuatu we oli moa posen:



Blak fis
Acanthurus nigroris



Blufis
Scarus sp.



Blak mo waet los
Plectropomus laevis



Anglais
Lutjanus bohar



Blak straep snapa
Lutjanus semicinctus



Blakspot red maot
Lethrinus harak



Longnos red maot
Lethrinus olivaceus



Ston los
Epinephelus polyphekadion



Blak switlip
Plectorhinchus albobittatus



Spotted los
Plectropomus areolatus



Flawa Los
Variola louti



Sawfis
Sphyraena barracuda



Blak Karong
Caranx ignobilis



Bigfala namarae
Gymnothorax javanicus



Yelo-tel namarae
Gymnothorax flavimarginatus

Olgeta Fish we oli nogat bun olsem ol shel

Long Vanuatu, i gat troka, shel mo olgeta bigfala natalae we oli save gat posen long olgeta



Troka
Rochia nilotica



Big Ae
Turbinidae



Natalae
Tridacnidae



Olgeta fish we oli posen oli no luk, smel o tes difren long olgeta fish we oli sef blong kakae. Kukum, putum long aesboks, smokem o putum long sol i no mekem fish i sef blong kakae.

VANUATU FISERIS DIPATMEN

@ contactfisheries@fisheries.gov.vu

Efate: Private Mail Bag 9045, Port Vila | 23 119

Espiritu Santo: PO Box 211, Luganville, Espiritu Santo | 36 218

